

瀘城備考

戊寅七月

吳晉儀校

申報館仿
聚珍板印

序

褚文洲先生上邑名諸生也家貧劬學尤留心邑中掌故所著寶書堂詩集外若木棉譜水蜜桃譜均有關土俗者迄今書版雖佚而邑中舊家猶多有其書滬城備考六卷乃爲訂正嘉慶縣志而作搜遺訂謬其大者足爲論世知人之助卽遺聞軼事亦多裨益見聞而當時並未刊板迄今抄本僅存亦若滅其沒無復知者予大懼先輩遺帙之失傳爲商申報館秉筆諸君以活字印行之庶作書者之苦心藉以傳於後焉邑後學餐霞客識

滬城備考

序

滬城備考目錄

卷一

核實

卷二

補遺

卷三

補遺

卷四

訂誤

卷五

策要

卷六

滬城備考

目錄

雜記



滬城備考卷一

上海濱華文洲

核實

疆域

秦并天下以揚州瀕地爲婁縣及海鹽縣屬會稽郡自漢至宋或以爲荆國又以爲吳國吳郡不常厥名順帝分浙以西爲吳郡以二縣隸吳晉元帝改爲吳國梁天監中置信義郡治常熟獨省婁縣入焉至大同初析故婁地立崑山縣析海鹽東北滬立前京會浦二縣尋省會浦入前京唐武德九年仍省前京入海鹽天寶十載吳郡太守趙居貞奏割崑山南境嘉興東境海鹽北境立華亭縣崑山移治馬鞍山按古之華亭卽今松江一府之疆域也吳越以後屬秀州卽嘉興元世祖至元十四年陞

滬城備考

卷一

一

華亭爲府明年改爲松江府華亭縣附焉二十九年從知府僕散翰文議割華亭東北五鄉立上海縣卽今上海南滙及青浦之半之疆域也嘉靖二十一年巡撫夏邦謨巡按舒汀奏割上海西北三鄉立青浦縣于青龍鎮至三十二年廢萬歷元年從兵科給事中蔡汝賢議復立縣于唐行鎮 國朝雍正三年從總督查弼納議割上海之半爲南滙縣實長人鄉自是邑之所轄者高昌一鄉而已按今南匯縣治及邑治卽前京地青浦卽崑山地立縣之初析自華亭者所謂崑山之南境海鹽之北境是也

滬濱

滬濱在縣西北十里卽古吳淞入海之水也吳郡記曰松江東瀉海口曰扈濱古文前作扈考扈字訓義皆與水不合其加水

旁者集韻曰滬水名似即指此水言惟輿地志曰插竹列於海中以繩編之向岸張兩翼潮上即歿潮落即出魚鱗潮礙竹不得去名之曰扈梁簡文帝吳郡石像銘曰吳郡婁縣界松江之下號曰扈濱居人以漁爲業簡文與野王所說猶爲近古以此詰扈濱似較志所引陸龜蒙漁具詠序爲優

吳淞

吳淞舊自盧子城下迤東北行而復南出于虬江沙洪之間以入海闊一百五十丈是名舊江宋時商舶自舊江直達青龍江後因上流壅塞遂設上海市舶提舉司以權其貨由江以通權塲蓋自宋家浜入泊順濟廟下不與黃浦相涉今沿城一帶之浦乃明初所浚范家浜故道黃浦在宋元時從華亭東流入上海界其勢悉析而東北爲金滙歸港周浦等水以趨于南隄口

滬城備考

卷一

二

始與江合至明初緣吳淞舊江淤塞黃浦東流之水亦不便利遂自南廣福寺浚范家浜以通浦又引而東注于海北注吳淞新港乃反爲黃浦附庸焉

老厝新厝

明永樂二年夏永嘉浚劉河白茆港掣太湖水以入海浚范家浜掣黃浦水以入海而吳淞入浦之道七十餘里尙未施工迨正德十六年李充嗣始自夏駕浦浜江改入浦之道建隄于頭堤之關橋後隄以入水隆慶四年海瑞更建于二壩及國初又廢更建新厝二堤廢隄始名老厝凡築隄必改道則土墜而可下椿下椿得地則壘石牢固建二堤時必改道與頭堤通建新厝時又必改道與二堤通其曲折之處皆非故道矣

黃浦

舊說黃浦在至元大德間水面闊盡一矢力後上流建隄其勢稍緩兩岸遂成沙塗居民以葭葦葦按浦雖狹原未嘗兩面建隄其所謂隄即秦定國所作潘家浜烏泥涇二隄也二隄受吳淞之水南注黃浦其時浦小于江故反謂之上流元王逢文舉洲詩曰我來初避地黃浦漸生洲逢樓閣處正在烏泥涇上此可爲黃浦至元季愈狹之證

崇靈庵

崇靈庵在縣治東南即今鹺務公所西首小巷內關帝廟按列仙傳宋徽宗時禁中有妖爲祟見有擐甲執刀神斬之林靈素曰卽陛下所封崇靈真君關某也則庵當在宋時以帝之封號爲名

武廟

滬城備考 卷一

帝京景物畧云萬歷四十三年十月十一日太監李恩齋九旒冠玉帶籠袍金牌牌書勅封三界伏魔大帝神威遠震天尊關聖帝君于正陽門祠建醮三日頒知天下然太常祭祀則仍舊稱史官焦竑曰侯志也天啓四年七月禮部覆題得旨祭祀稱帝至 本朝于帝祠稱武廟幾與尼山相亞不已尊崇之至歟

縣學

元至大三年廉訪僉事吳彥升卽縣治西南入官地十五畝以建縣學至延祐元年縣丞王珪又改建于縣治之東其棄地卽杜家灣王氏素園今名清源書院其文昌閣猶在東北岡當日暴風所毀之大成殿廊榭亭舍卽凌氏屋也

萬戶府

元鎮遏總管萬戶府在舊市船司之西卽今東姚家街歲於松

汀萬戶府分官漚之號曰達魯花赤終元之世可考者五人費
崇也先不花雅哈雅脫忠武儿奴明初祇以金山衛中後所
千戶分轄上海之南漚守禦所 本朝順治十三年乃設黃浦
營叅將于是漚後或以副總兵或以守備至康熙五十八年復
有右營游擊之設而署廳爲民居

財賦提舉司

元大德中竊沒張道朱清貨虛以賜椒官特設平江集慶嘉興
財賦提舉司又置江浙財賦都總管于杭以統領之後至元五
年沒入朱國珍管明家則專賜丞相脫脫立稻田提領所官以
掌其冊籍在浙西者駐府城

黃道婆祠

黃道婆爲滬涇人流落崖州海疇閩元元貞齒携踏車椎弓歸

滬城備考

卷一

四

教人以捍彈紡織之法而木棉之利始溥道婆歿閩里爲立祠
焉越三十年趙愚軒又建之建而屢毀明天啓六年張之象改
祠之于滬國寺今城中渡鶴樓西偏小巷有黃婆庵尼僧主其
香火而道婆像如二十餘好女子群呼之曰黃嬈嬈

田賦

明洪武初天下官田畝科五升三合五勺民田少二升唯蘇松
嘉湖怒其爲張士誠死守乃籍諸豪族及富民田以爲官田按
私租簿以爲稅額而司農卿楊憲又以浙西地膏腴畝加爲二
倍征其賦故浙西官民田賦視他方倍蓰蘇爲最松嘉湖次之
杭常又次之十三年命戶部裁其額科七斗五升至四斗四升
者減十之二四斗三升至三斗六升者俱徵三斗五升以下仍
舊計蘇州一府秋糧之額寔與浙江一省相當矣建文二年均

田江浙詔曰國家有惟正之供江浙賦獨重而蘇松官田悉準私租起稅用蠲一時豈可爲定則以重困一方今悉予減免畝毋踰一斗有司違者罪之蘇松人仍得官戶部按自後言蘇松賦重者不一而足想革除後此詔實未奉行也

增賦

嘉靖初年歲支不過二百萬三十年餉額過倍用至五百九十五萬戶部尚書孫應奎蒿目無策乃議于南畿浙江州縣增賦一百二十萬自是川貴以採木江浙以脩倭宣大以兵荒凡理財之策益壞碎非國體而江南提編額外銀至四十三萬矣巡撫周如斗乞減罷給事中何燧亦具陳此事且言募兵壯丁鄉兵須爲民累請禁革之命如燧議而提編不能減隆萬之世民力不至大困者行一條鞭法耳

滬城備考

卷一

五

又

萬曆中平三大征接踵頗有加派事畢旋已至四十六年驟增遼餉三百萬內帑充積漸不肯發戶部尚書李汝華乃援倭播例畝加三厘五毫天下之賦增二百萬明年復加三厘五毫明年以兵工二部請復加二厘通前後加九厘增五百二十萬遂爲歲額所不加者畿內八府而已

賑災

洪武賑米之法大口六斗小口三斗五歲以下不與永樂以後少減之賑荒以粥自嘉靖始凡報災明初不拘限制宏治中始限夏災不得過五月終秋災不得過九月終初勘災法既實盡予蠲免宏治始定全災七分自九分災以下遞減又止免存留不及起運後遂爲定制云

海寇

志稱順治十年九月海寇張名振犯吳淞蘇州總兵王璟戰于東溝不利十二月江南提督張天祿敗之十一年自正月及七月八月聚眾屢犯我兵禦之互有勝負逮十三年秋海寇顧三麻來降自後海烽稍息按明崇禎十三年賊顧三麻入黃田港江陰典史閻應元射殺三人賊退陞主簿張名振者本從魯王子舟山嘗封定西侯舟山一役名振之弟名揚其母若妻若子與張肯堂吳鍾巒朱承佑諸臣皆死名振倉皇奉王走臺灣時爲沿海之患

神國樹石

潘恭定豫園今屬城隍神祠園中舊物惟烏裨數株及玉玲瓏石耳石高二丈許嵌空透漏世不多有其傍復立二小峯附之

滬城備考

卷一

六

若輔弼然園之西北更有林立水次如大士像如奎宿如寒山拾得者王氏素園物也園近改爲清源書院在涇沙場乾隆辛卯秋余親見其扶墻壞屋移至神祠爲費頗鉅

唐瑜

唐瑜字廷美九歲失恃事繼母以孝聞成景泰二年進士由南京吏科給事中出知衢州府有惠政民甚悅之會歲旱爲文禱諸神輒應相與勒石神祠歸德於瑜瑜又以俸贖孔子家祭田若干畝孔氏子孫圖其像于家廟尋改官湖廣叅政襄河爲憲作隄捍其衝積穀倉廩饑則發賑民賴以濟擢山西右布政使丁母憂志略云以父喪歸服闋轉雲南左布政使條陳備邊五事雲南多土官爲考宗派定得龔燮俗感服未幾授都察院右副都御史巡撫甘肅陳時政兵備各九事上之詔使至諷令織紉屬充貢

瑜執不從復有黜弁用屬等陰中之遂被劾去宏治五年復故官致仕七年卒瑜爲人豪爽有才氣所至而著聲譽其守備也尤多雪冤獄布嘉惠既卒衛人來弔者累累不絕云此傳參實

錄擬改

志略云所著學吟稿拙麻瑞楚海游滇南稿

談倫

談倫字本彝天順丁丑進士長身豐頤瑩然玉立觀政吏部時王忠肅翱爲掌銓意輕南士及見倫矍然曰南中必有此人耶授驗封主事轉員外郎翱台對每以倫自隨英宗問之對曰臣老矣於聖意恐有遺忘此卽代臣志之且其人可信也帝因卽欲擢用翱謂年少資淺俟他日未晚及丁母憂服闋至京則掌銓者爲尹旻亦善倫卽補爲臨衛司郎中擢卽天府丞是年鳳陽大水衆皆不敢上聞倫自著奏詔免秋糧以萬進府尹改卽

瀋城備考

卷一

七

天遷工部右侍郎會大學士萬安方士李孜省謀逐旻旻行無敢送者倫獨往餞亦被逐家居時歲遣人起居旻于山東之歷城而訛翱于別室人稱其忠厚及成化初孜省誅一時謫逐者皆召還而倫竟以病不起考邑志倫傳猶稱萬安爲萬文康尹旻爲某當是采掇墓志行狀等文而成者蓋宏治時公是未明故于稱謂多所忌諱也旻在景泰中立朝極有建白晚節則交結中官與劉瑾王越角立爲黨不無可議然與安較猶彼善於此

王霖

王霖字景明天順四年進士由南京刑部主事遷員外郎再遷郎中累辦疑獄有能聲出爲黃州知府府故多虎患至禱於神遂不爲害又江水暴漲及火焚民廬舍據誠祈祝皆有應世以

是稱頌之未幾遷廣西命事又遷江西按察使進太僕卿時馬政廢弛霽條陳十事奏上宿弊爲之一革尋以荐擢命都御史巡撫山東值歲大饑民多死乃區銀五十餘萬米二百餘萬石賑焉存活者其衆召拜大理寺卿號用法平易宏治九年卒賜祭葬如例霽性和厚所與交無不得其歡心雖輿議亦鮮有怨之者故歷官中外三十餘年所至得美譽云右傳參實錄

曹閔

曹閔字崇孝宏治丙辰進士初授沙縣知縣有惠政被徵爲南京監察御史號泣擊留累日不得去甫就職偕同官以八黨竊柄朝政日非劾劉瑾請開詔下錦衣獄與里人張鳴鳳各杖三十宗名遂敗久之起廣西命事閔曰一瑾去而衆瑾尙存遂引退年未五十也又養母十年廬墓得寒疾卒

瀘城備考

卷一

八

張鳴鳳

張鳴鳳字世祥閔同榜進士正德初亦官南御史劾大僚張元禎方議有所遺會又劾瑾被杖削籍事遂寢瑾誅凡爲逐斥者悉得官鳴鳳與閔以兼劾茲聞未得錄御史周鼎雍以爲言乃召爲湖廣僉事進副使鳴鳳初令永康有政績在湖襄間治復最以內憂歸世宗立賜銀幣于家將大用之竟卒二則參明史二人本傳

陸深

陸深字子淵宏治辛酉鄉試第一乙丑進士官編修劉瑾惡之改南京刑部主事瑾敗復故官遷國子司業丁父憂歸嘉靖七年召爲祭酒元經筵講官深以閣臣改其所進講章遂奏請自今奏講臣得各盡其愚以廣啓沃帝可其請而經筵而奏非故

事當路忌之左遷延平府同知權山西提學副使會陽曲諸生
父爲縣令答死訴之御史趙鏗鏗反抵生罪深與鏗力辨不合
兩訟于朝鏗謫官浹逮問得直補浙江副使歷四川左布政徵
拜光祿卿預修玉牒改太常兼侍讀學士簡官僚進詹事致仕
數年帝問侍臣張邦奇陸深才孰優以陸優于張對帝曰陸深
曾爲祭酒桂萼欲害之今尙在否會卒賜祭葬贈禮部右侍郎
謚文裕

文裕公法書與白欲
下之世流傳絕少

龔愷

龔愷字次元號全山嘉靖丁未進士授慈谿令入爲御史威靈
侯仇鸞倡鬪馬市愷與新寧梓潼何光裕同疏諫皆予杖光裕
不勝杖卒愷已年八十餘杖而奪俸視事如故旋出視兩淮鹽
政又巡按粵西屬吏不職者卹望風解綬去尋列靖江王驕恣

滬城備考

卷一

九

狀復疏止粵西用爲當事所忌遷山東叅議屬大蝗下令捕得
者卽以易粟于官于是蝗不爲害湖廣副使引疾歸卒

唐繼祿

唐繼祿字子廉嘉靖癸丑進士官遂安知縣善察疑獄嘗預募
勇壯數百儲米數千石以備倭未幾倭內訌所至殘破遂安獨
全召爲御史劾大旱疏修省十事又奏行里甲法著爲令出按
湖廣值興山民鬻私鐵米粟二千餘人漸出行劫縣令貪其賄
不以問郡守徐學謨上狀繼祿卽檄紳縣令下獄遣沙市巡簡
趙某詣賊寨諭以朝廷威德苟早自解散待以不死月餘事遂
平權大理丞晉少卿遷南京操江僉都御史會振武營兵譁令
督江防兵駐孝陵隆慶二年入爲副都御史朝議興九邊屯鹽
命與龐尙鵬鄒應龍分理鹽政俄引疾歸繼祿天性嚴毅居家

儼如在官絕無褻容卒年五十一

徐光啓

徐光啓字子先萬曆丁酉舉順天鄉試第一又七年甲辰成進士授檢討光啓嘗學聲律工楷隸登第後悉棄去編習兵機屯田鹽筴水利諸書并講求泰西天文火器尤盡其要遼東四路師敗累疏請練兵自効神宗壯之擢少詹事兼河南道御史練兵通州令監司副將並受節制官弁得自委任辟召尋列上十議以時事方亟不能給熹宗即位以志不盡展引疾歸遼陽破召起之乃請增武備多鑄炮以資城守帝善其言會與兵部尙書崔景榮議不合御史邱兆麟劾其練兵事又以移疾免天啓三年起故官旋擢禮部右侍郎魏忠賢素嫉光啓五年其黨智鏜劾之落職閑住崇禎元年召還復申練兵之說未幾以左侍

滬城備考

卷一

十

郎理部事帝以國用不足勅廷臣獻屯蠶良策光啓言屯政在墾荒鹽政在禁私販帝褒納之已擢本部尙書掌詹事府詔監督西洋人龍華民鄧玉函羅雅谷等推算歷法五年五月命以本官兼東閣大學士入叅機務又進兼文淵閣大學士加太子太保光啓負經濟才有志用世及是年已老周延儒溫體仁先後專政不能有所爲明年九月卒于位計開輟朝三日賜錫如例贈少保御史上言光啓蓋棺之日囊無餘資請優恤以愧貪墨者乃賜諡文定至十四年帝念之索其家遺書于中書舍人職進興政全書六十卷命有司刊布其書贈太保又錄一孫爲中書舍人

王域

王域字元壽崇禎某科舉人授宿州學正流寇薊城佐有司捍

禦有功遷工部主事權稅蕪湖都城陷吏多以自入城曰君文
遭非常禍臣子乃因以爲利耶悉歸之南京戶部福王授爲郎
中遷建昌知府唐王立權江西按察副使攝府事及城破械至
武昌與王養正夏萬亨劉允浩夏隆一失名同死土人表其瘞
骨處曰六君子墓城于 本朝得 賜諡烈愍

朱永佑

朱永佑字爰修崇禎七年進士授刑部主事改吏部文選郎中
南京破從唐王于閩權吏部侍郎順治三年王敗死復從魯王
於舟山有兵六千民萬餘八年 大兵乘霧集螺頭門定西侯
張名振率王航海走城中拒守十餘日遂破永佑與左都督張
名揚禮部尙書吳鍾繹兵部尙書李向中同舉大學士張肯堂
等同被執死 弘隆四十年 賜諡烈愍

滬城備考

卷一

十一

李待問

李待問字存我崇禎某科進士官中書舍人順治二年閏六月
吳淞總兵吳志葵自海入江結水寨於泖湖蘇州總兵黃蜚擁
千艘自無錫至與合待問偕兩以總督沈猷龍知縣章曠募壯
士數千守郡城與二將相犄角八月 大兵至二將戰于黃浦
俱敗城破待問等死之遂攻金山金山衛指揮侯承祖猶固守
城破父子巷戰于世祿身中四十矢與承祖俱被執說之降曰
吾家食祿二百八十年今日不當死以報國哉皆死

莫秉清

莫秉清字紫仙號葭士善書畫工繆篆明諸生純意仕進常爲
道士裝往來江湖間有郡城富人邀之飲值驟雨天寒甚予以
綸裘忍冷弗服其孤介如此所著詩古文詞名采隱草常熟進

士陳祖范脩江左志曹給諫一士遺之書曰做郡莫紫仙先生
高行絕倫勝國之義士即本朝之逸民與王玠右先生輩並
垂千古云云其節概足以想見矣

周銓

周銓字緯蒼書學大令極秀潤為世所重樂府與樓觀察儼齊
名儼致仕里中倡和者惟銓與潘鍾暉西白而已銓詩文皆清
雋拔俗可喜而名以書掩姪其大字涵百書酷類銓早卒子其
承字涵千書少繼父法亦能詩畫山水人物花卉都有逸致其
書畫不輕予人嘗扃戶以絕求者而又令鄰媪鎖之仍自握其
鑰客來欲納者從門隙出鑰俾其人自啓不則以司鑰者非在
辭

強行健

滬城備考

卷一

十二

強行健字順之號易園分隸高古華倫尤工繆篆生平託業於
醫醫宗朱丹溪偏于寒涼世謂之強石膏嘗著醫書若干卷自
繕寫極上惜忘其名畫山水仿宋元諸家都瀟灑有法性好作
巨幅其定力有不逮也強行健者有倪廷對字冠鵬畫頗相類
蒼古似及而秀媚勝之亦醫師

補遺

陳遺

世說吳郡陳遺性至孝母好食鑑底焦飯遺作郡主簿恒裝一囊每煮食輒貯焦飯歸以遺母後值賊出吳郡袁府君即日便征遺已聚斂得數斗焦飯未展歸家遂帶以從軍戰于扈瀆敗軍潰散山澤皆多餓死遺獨以焦飯活人以爲純孝之報

靜安寺鐘銘

王逢梧溪集云上海靜安寺舊鐘入于宮寺僧覺曇募銅至六千斤而鳧氏範冶成且有日乃介前土住持元淨乞梧溪山人王逢銘之銘曰金聲爲物鉅曰鑄深徹泉府高達穹谷傳海應滬城備考

卷二

流景風祈息諸苦關群蒙耳根空淨心觀通六願具圓佛性同博哉功施垂歷窮按是鐘鑄于明洪武二年上有祝皇太子千秋字

陸夢發

宋詩紀事陸夢發字太初歙人寶祐四年進士官太府寺丞德祐乙亥歿于上海著有烏衣集梅花鼓吹采其七律云猶喜相逢那恨晚故應更好半開時邑志流寓傳失載

二烈婦

梧溪集六磊周英細家息孔有妻也孔素無鄉曲譽乙丑冬舟過塘上鄉人僞邀飲醉奪舟以民害愆于朝孔自度不免密書與妻早尋仙游庶絕軍配族黨難諭之其妻覘得故神色不亂言笑如平常且備盛酒饌延親鄰是夕雉經死時年二十九孔

聞之曰予伏誅泉木無遺感矣又云十門生張叙女諱貞嫁海縣周曹以復入公門刺而瘦死先是貞在從籍懼配軍投秦淮卒及周屍過其所貞涌浮水面五日不變認者曰此呂學諭甥張訓導女也殉夫藏聚寶坑能無念乎

瞿信

明詩綜瞿信字寔夫昆山人自幼嗜學平居整暇無卒聲辟貌未嘗談人過惡兄智宦游四方信養二親備至家雖貧恒忻忻焉九卒孤兒女數人皆爲婚姻教養至正間台寇作信負母避青龍江上築室曰開對南臺御史李烈舉信孝廉不應卒此竹垞采明初人詩而及采也然信既不仕明當列入元人流寓傳

青龍鎮將

宏簡錄宋劉晏字平甫潁州人遼進士爲尚書郎宣和四年率

滬城備考

卷二

二

衆來歸授通直郎建炎初從劉正彥擊淮西賊有功遷朝請郎正彥反以衆歸韓世宗金人犯建康世忠退保江陰晏領其騎屯青龍鎮金人犯常州郡請援世忠以精銳七千益晏兵出奇大破之進直龍圖閣保馬蹟山又以舟師降其衆千五百郡人爲立生祠後以招安賊方爲賊所殺贈待制官其四子立廟曰義烈

白雲一鳴

涪溪集白雲一鳴者西域馬公文也隨所寓之名也公頽然蒼鬢秀潤嘗爲穎州著廉劄拜兩御史會世亂遂變名雲林子黃冠野服超然物外蓋十餘年矣又贈馬季子序云居延馬季子隨其父宣政都事禮居淞之竹岡季子祖常之弟其居有懷靜軒其先日月哥曰理尤自雍古部族居靜州之天山一傳爲